

國為王齊人感歎身摧傷春羊為虎鼠為狼
 變化姓字易其常西度名水歷火行深林還
 谷多毒霜殺戮有草葉枯黃孟春正月合天
 罡迴轉斗樞隨朝陽養育群生壽命長與天
 相保神聖將轉終范義相輔巨飲食九藥辟
 殺根名山可處石室堂前臨源流道里長混
 沌相隨到海陽海水不流湛如聚源流滅滅
 無人當不甜不苦無臭香中有赤子過度生
 吾之為道不人情正法天地身聰明
 道出微妙入玄宮綿邈倏長難可窮譬如百
 川入海江不逆細流致其深好學之士慕清
 忠謙卑順下志在心不共并心精其元道吾
 好生愛善人和民抱朴守素貞許由洗耳於
 河濱清濤有素絕不群枕石漱流靜思真採
 取芝英成萬神服食三微飲神丹壽命無窮
 與天連遊戲無極八重間八重離樓屈復伸
 九重之裏窈無人混沌之氣誰能分演散陰
 陽舒道元養育肢體生華根生固久應自
 然自然之氣出崑崙山北絕否有溫泉療治
 萬病除殃患犯罪之人更福原

老君變化無極經



太上金華天尊救劫護命妙經
 金華天尊救延真救劫經至真無極道虛皇
 最上尊避隱恒救劫時因壬運興三昧九真
 相大洞起超明驅除凶悖氣真道救群生劫
 期生死會善惡運當分元皇玉帝勅較錄昔
 天民善則超三界魔王來敬迎有過沉九地
 萬劫歷幽冥諸天同考較分毫無隱容時遇
 清虛降搜究萬仙真元華真大道末劫小人
 輕聰明願者廢敬信遇之成青蓮栽滿地攀
 採汚泥中聖凡皆有分焉論貴何貧有緣須
 敬後遇必證金身普天聞正道俱下寄凡塵
 爭取金天號皆尋不壞因所以陰陽否天昏
 地醫騰六洞精魔出九天妖怪生六合成既
 濟水火自交并混混渾一體各各內尋真火
 煨真精灼凶邪悖逆傾陰陽純粹子精燦結
 真人元一成舍利雜穢化為塵其中靈應實
 誅斬萬魔群七帝承元命軸關下紫庭破武
 廉文祿巨貪為帝真五德真光射妖魔自不
 神霹靂南丹勝破軍北極真西方白帝子東
 界護生君中央天元號擊電滅妖氛天威同

大歲雷貫萬億神飛羽金身現躬親護吉人
天罡驅穢惡萬萬斬邪形武祖金華初八卦
助神兵乾元坤應德震巽霹靂風良歷秋魔
碎萬燒百怪凶兌澤通萬里坎吉護天民天
罡并吳勅誦佩禍無因有緣人得遇急急速
動行無緣必見毀准備化黃塵神應急如電
授者慎莫輕誦持心不退闔戶見清平目前
壬辰道陸地得登雲懸迷全不悟毀謗妄招
凶執閉癡心容猶罪端華文此是天元法萬
劫再難逢遇者超三界永不降凡塵生滅俱
無異方崇救劫經聞命無上語稽首禮慈尊
無礙無為體坦蕩度刀兵

稽首七元天星君 速來救劫護天民
稽首破軍天星君 速來救劫護天民
稽首天罡大星君 速來救劫護天民
稽首霹靂大仙君 速來救劫護天民
稽首庚辛白帝君 速來救劫護天民
稽首壬癸黑帝君 速來救劫護天民
稽首甲乙青帝君 速來救劫護天民
稽首丙丁赤帝君 速來救劫護天民

稽首中央黃帝君 速來救劫護天民

稽首救劫衆將軍 速來救劫護天民

稽首太歲保生兵 速來救劫護天民

稽首五方雷貫將 速來救劫護天民

吾乃青蓮子元皇道祖孫天罡來扶我七帝

護吾身八卦為神力萬禍化為塵登山通猛

宇渡水引陰從出行天命護入陣九龍軍順

我成真道運我滅逆形急急金華勅

吳天王皇文

太上金華天尊救劫護命妙經

無上三天法師說廣育衆生妙經

天師曰善哉善哉吾見天地轉動日月變移
星辰失度劫運將終饑鬼出世異災萬端吾
在空中懸念衆生欲出此經乃見萬民饑餓
草菜為食多分死者難可待活不論貧富之
家倉庫空虛蠶麥無收菽豆不成有樹無花
有花無子有三色之鬼散出人間食人糧食
使人饑餓而死窮鬼行諸色病殺人第一經
求遂路被人殺死第二食葛蔓根腹中脹滿
死第三食肉味病重死第四往還行不得施
第五氣力薄弱死第六國土不安賊戰鬪死
第七蟲虎食人死第八覓糧逐路饑死第九
羸瘦死第十食蔓根不濟死以至災劫運數
之日風霜折木鬼兵出世為此荒亂鬼行毒
藥殺人收人五穀蕩盡食人糧食遣人糧米
不息令人饑餓而死富貴作種不成死無收
拾倉庫空虛貧人遭之噉食草菜面目烏黃
蔓根亦無米豆乏絕人無筋力已漸瘦損衰
微今故告天下萬民欲得免災難請造廣育
衆生妙經闍家大小等各寫造一本修設神